

10 თებერვალი 1913 წ.

ვისაც 1913 წლ. არ გამოუწერია ჟურნალი „კ ლ დ ე“, იანვრიდან აღარ ეგზავნება.



ქრველ კვირეული საზოგადო. მოძრა.

მიზრი და სალიტერატურო ჟურნალი

რედაქცია ღიაა 10—3 საათ.

მისამართი: თბილისი, გაბაევსკი პერ. № 3 რედაქცია „კლდე“. დეპეშისა: თბილისი კლდე.

დღეს ქართველი საზოგადოება დღესასწაულებს ჩვენი სტენის ქურუმის ვლადიმერ ალექსი-მესხიშვილის ოც-და ათი წლის სასტენო მოღვაწეობას

ჟურნალი „კ ლ დ ე“ უერთდება საერთო ზეიმს და ულოცავს თავის მკითხველებს ამ დღესასწაულს

ჟურ. კლდის კანტორისაგან

ს ა რ ჩ მ ვ ი:

რედაქციაში იყიდება ჟურნალ კლდის და-კაზმული კომპლექტები 19'2 წლისა. ფასი ქალაქში. 1 მან. ქალაქ გარედ—1 მან. და 2 მ კ.

ყველა ხელის მომწერთ ვთხოვთ დროით შეგვაცუობინონ ხოლმე, თუ რიგზედ არ მის-დით ჟურნალი, რომ თავდარიგი დავიკიროთ.

ვლ. მესხიშვილის გამოსვლა „სამშობლოში“. — ეკ. გაბაშვილისა. მწვავე საკითხი. — დ. კახელია. ქ. კულტ. მოფარულთა საზოგადოება და სიტუა. დ. კახრაძისა. სოპინის საკრედიტო ამხანაგობა. დ. ვაჩნაძისი. სოფლის საჭიროებანი. — ლ. დ—ესი. ნაფთის საქმე. — ალ. ნ—ძისი. ჭორბული. — რ. — გესი. „სატო-სოკა“. — წ. რუსების გადმოსახლება ამიერ-კავკასიაში. — მაგმაძისი. კორესპონდენცია.

ვლადიმერ მესხიშვილის გამოხატვა „სამშობლოში“

(ტკბილი მოგონება)

ორ კვირაზედ ადრე მთელმა თბილისმა იცოდა, რომ 22 იანვ. 1882 წ. საზაფხულო თეატრში წარმოადგენდნენ „სამშობლოს“, დავით ერისთავიშვილის მიერ ფრანგულიდან გადმოკეთებულს პიესას და ყოველ წვრილალს იმ წარმოდგენისას დიდ მნიშვნელობას აძლევდნენ; გასაოცარ და დაუჯერებელ ზღაპრებს სთხზავდნენ, როგორც პიესის შინაარსზედ, ისე იმის მდიდრულად და შეუდარებლად დადგმაზედ.

მიხეილ პეტროვიჩი ბებუთოვი, პიესის რეჟისორად მოწვეული ავტორისაგან, სიმღლისო გმირად გადაიქცა; იმისი ყოველთვის აღელვებული და ნერვოზიული სირბილი საზაფხულო თეატრში, თეატრიდან გოლოვინის პროსპექტზედ საყაველთაო ყურადღებას იპყრობდა, ყველანი ისე შეჰყურებდნენ იმას, როგორც თილისმით სავსე ჯადოსანს, რომელიც ქართულ წარმოდგენას სასწაულთ მოქმედებად გადააქცევდა და სუყველანი გატაცებით იძენდნენ ბილეთს, რომ არ გამოჰკლებოდნენ ამ საოცნებო მოვლენას. „სამშობლო“ და მიხეილ პეტროვიჩი—სამშობლოს სულის ჩამდგმელი, მოწიწებით იხსენიებოდნენ ქალაქის ყოველ კუთხეში, ყოველ ოჯახში, ყოველ შეგნებულ ქართველის ბაასში. მხოლოდ არტისტებზედ, ამ პიესის ნამდვილად გამაცოცხლებლებზედ, ხმას არავინ იღებდა, თითქო იმათი დაფასება ხალხისთვის იყო დატოვებული.

აი, წარმოდგენის დღეც დადგა. საზაფხულო თეატრი პირამდეა გატენილი. ქართველი არისტოკრატია, მთელი ქართველი ინტელიგენცია, ჩინოვნიკობა და უდრო-უდროდ თეატრში მიმსვლელი, დღეს, გამოპრანქული და აღელვებული, გაცილებით ადრე ზის თავის ალაგზედ. თეატრი სადღესასწაულოდ არის მორთული და განათებული. მუსიკა რაღაც სასიამოვნო მელიოდის უკრავს, მაგრამ იმას ყურს არავინ უგდებს, ყველა მოუთმენლად ელის ფარდის ახლას, ცმუკავს და ტოკავს.

მე სცენის პირდაპირ ზემო იარუსის ლოჟაში ვიჯექი ჩემის მახლობლებით და მთლად ვართოდი აღელვებული; მახლობელნი დამკინოდნენ: „განა არ იცი, არ იცნობ ქართულ თეატრს, ქართველ არტისტებს? ამათგან გასაკვირველს რას უნდა მოელოდე?!“ და თითონ კი მოელოდნენ გასაკვირველს და ლელავდნენ...

აი, ფარდაც აიხადა და მოლოდინი გადააქარბა იმან, რაც ქართველებმა სცენაზე დაინახეთ: მდიდრული მოწყობილება, შესაფერი და მშვენივრად შეხამებული ტანთ საცმელი, მწყობრი და ილიუზიამდე მიღწეული სიმართლით შესრულება ყველასაგან თავისი ნაკისრი როლისა (რაც მანამდე თითქმის მიუწოდომელ ოცნებად იყო აღიარებული ჩვენ სცენაზედ) და ბოლოს თვით გვირგვინი დღევანდელი წარმოდგენისა, ლევან ხიმშიაშვილის როლში, ლაღო მესხიშვილი.

წინადაც მენახა მესხიშვილი სცენაზედ, გამეგონა იმისი მომჯადოებელი, გარმონიით სავსე ხმა, ხმა იშვიათი, თითქმის დაუჯერებელი და წარმოუდგენელი ჩემის სმენისათვის (მაშინ ყრუ არ ვიყავი), მაგრამ დღეს ლაღო სულ სხვა იყო! ის აღარ იყო აქტიორი, რომელიც სცდილობდა ხოლმე ზეპირად დასწავლილი როლი, ქართულ-რუსულის კილოთი გადაეცა ამხანაგისათვის, არა,— ის იყო მშვენიერი ვაჟკაცი, ქართულ ძველებულ ტანისამოსით გამოწყობილი, ქართულ ძვირფას იარაღით შესხმული მეომარი, რომელსაც სამშობლო უნდა დაეცვა მტრისაგან და რომელიც ამ დაცვის ასრულების ფიცს, მშვენიერის, უზაკველის, ყოველ გვარ აქცენტს აცილებულ ქართული ენით წარმოსთქვამდა.

დღესაც თვალწინ მიდგას ის სცენა, როდესაც ხიმშიაშვილი ზეციურის ხმით, რაინდულის გრაციით და შეუდარებელის გმირობით ეუბნება შაჰს სამსახურზედ უარს, როდესაც ის თავის ქალის თხოვნით უბრუნებს წართმეულ ხმალს: „არა, ვერ მივიღებ... მე კარგად ვიცნობ ჩემს ხმალს, ის ამჯობინებს ჩემ გულში გადატრიალდეს, ვიდრე თავის მტერს ემსახუროს... მე და ჩემი ხმალი ქართველები ვართ, დიდებულო შაჰო!“ რა თავხედობა იყო, რა გამბედაობა ამ საქციელში! და რა გვარად იმოქმედა დროთა ბრუნვით დამუნჯებულ და ყოველგვარ საკუთარ აზრის უქონელ მაშინდელ ქართველობაზედ!

მე მზად ვიყავ გადავმხტარიყავ ლოჟიდგან და მუხლი მომეყარნა საოცნებო გმირის წინაშე, ასევე გრძნობდა უთუოდ მთელი საზოგადოება, რადგან ლევ. ხიმშიაშვილის სიტყვებს უზომო და შეუკავებელ ოვაციით მიეგება. რამდენიმე წამი ხიმშიაშვი-

ლი — მესხიშვილი თავჩაღუნული იდგა და მოწიწებით ელოდა ხალხის დამშვიდებას, რომ სალაპარაკო განევრძო და კვლავ ყოველის თავისი ნაბიჯით, ყოველის თავისის გულიდგან ამოხეთქილის ნათქვამით და გულამდე ჩამწდომის ხავერდოვანის ხმით დევპყრო, დეემორჩილებინა მსმენელი.

მართალია, ბებუთოვს ჩინებულად გაეწვრთნა არტისტები, სრულის განათლებულის და ბევრის მნახველის კაცის გემოვნებით დაედგა პიესა, მაგრამ რა იქნებოდა ხელოსნობით შემზადებული ძღვენი; თუ რომ ბუნებით მოძღვნილი სიმდიდრე, ბუნებრივი მარგალიტი, ბუნებით შექმნილი ხელოვანი მესხიშვილი არ შეხვედროდა!

ხელოვანმა მესხიშვილმა თავისის ბუნებრივის ნიჭით აღჭურვილმა, — ასახელა რეჟისორი ბებუთოვი, ასახელა „სამშობლო“ და სამშობლოს გადმომოკეთებელის სახელი უკვდავ ჰყო და ქართული ხალხის გულში მკვიდრად დაბინავდა.

სამშობლოს პირველ წარმოდგენის მოგონების დროს, არ შემძლიან არ აღვნიშნო კადევ ერთი დიდი მომენტი, რომელიც იშვიათ წამად უნდა ჩაითვალოს ქართველთა ცხოვრებაში. ეს ის მომენტი იყო, როდესაც მესამე მოქმედებაში მეტეხის დარბაზში საბრძოლველად გამზადებულნი გპირები დროშაზედ ფიცს სდებენ სამშობლოსთვის თავის განწირვაზედ. საკვირველი იყო ეს წამი და სწორედ სასწაულთ მოქმედებად აღიბეჭდა მსმენელებზედ. მთელი საზოგადოება, პარტერის წინა რიგებიდან დაწყობილი, გალერიის უკანასკნელ რიგამდე, ფეხზედ იდგა და სასოებით გამსქვალული მზად იყო მუხლიც მოედრიკა ეროვნული დროშის წინ, რომ თეატრი გაქედლილი არ ყოფილიყო და მუხლის მოსადრეკი ალაგი ჰქონოდა.

ამისთანა წამები იშვიათია და მას არ ივიწყებს შთამომავლობა და მას მიმნიჭებულთ ათაყვანებს.

ექ. გაბაშვილისა.

მწკავე საკითხი

ამკარაა, რომ ქართველ ერს უკუღმართ პირობებში უხდება წინსვლა და ყოველ ნაბიჯის გადადგმაზედ ამ უკუღმართობას უნდა შეეჯახოს მისი სვებელი.

როცა ჩემი უკანასკნელი წერილი *) დავამთავრე

*) იხილე უფრ. „კლდე“ №№ 4, 5.

იმის მტკიცებით, რომ განსაკუთრებულ სამელიორაციო კრედიტის მოწყობა აღმოსავლეთ საქართველოში ჯერ-ჯერობით ნაადრევად უნდა ჩაითვალოს, რადგანაც ხსენებული კრედიტი ძვირია და უკანასკნელი ნაბიჯია საერთო სამეურნეო ცხოვრების მოწყობაში, საცა ბევრი სხვა ელემენტალური საქიროებანი ქართლ-კახეთისა დაკმაყოფილებული არ არის კრედიტით, ჩვენმა რედაქციამ მიიღო ცნობა, რომ ადგილობრივ მთავრობის წყლის გამგებლობას განზრახული აქვს, ამ მოკლე ხანში კანონის ძალით სრულიად აუკრძალოს ქართლ-კახეთის მცხოვრებ ხალხს მტკერისა, არაგვისა, ქსნისა, იორისა, ალაზნისა და სხვა მდინარე წყლების სარწყავად ხმარება. ეს წყალი მთავრობას სდომებია აღმოსავლეთ კავკასიის უდაბნოების (მულანი მილი) 300,000 დესეტინის მოსარწყავად, სადაც იგი აპირობს რუსეთიდან გადმოსახლებულთა ახალშენების მოწყობას. ქართლ-კახეთის დიდძალ ურწყავ მინდვრებს ვეღარ ეღირსება თავის სამშობლო მდინარეების სარწყავი წყალი... და მომავალში რა მოვლის ამ პირობებში მოქცეულ ქართლ-კახეთის მეურნეობას — ძნელად წარმოსადგენია! დღეს ყველაფერი შეწირულია აგრესიულ პოლიტიკისთვის, ქართველ ხალხის წინააღმდეგ... ქართულ წყლებსაც კი პოლიტიკური მიმართულება ეძლევა... მათ უნდა მორწყონ და ააყვავონ ანორმალურისა კოლონიზაციო მიზნები ადგილობრივ მთავრობისა კავკასიაში!

წარმოდგინეთ ეხლა რა მდგომარეობაში ვარდება დღევანდელი ის მწერალი, რომელიც სკდილობს ქართულ ეკონომიურ საკითხების გამოკვლევა-გამუშავებას... თუ გუშინ საბუთებით ხელში ერთს ამტკიცებდა — დღეს, სრულიად მოულოდნელ, შემზარავ და უკუღმართ გარეშე პოლიტიკოსების გამო — თავის კალმის წვერი უნდა შეაბრუნოს და სწორ გზებზედ სიარულის მაგივრად, ოღრო-ჩოლოში იაროს.

მაგრამ რა ვუყოთ? ასეთია ბედი ქართულ ეროვნულ ცხოვრების მიმდინარეობისა, რომელსაც ყოველთვის სწორ გზებზედ ხარიხები ეღობება...

და ჩვენც ძალა უნებურად, დროებით მიინც, სანამ ძალა არ შეგვწვეს, უნდა სინამდვილეს ანგარიში გაუწიოთ და ამ ხარიხებს როგორმე მოუაროთ.

რასაკვირველია, ხსენებულ პირობებში, სამელიორაციო კრედიტის მოწყობა აღმოსავლეთ საქართველოშიაც ძალიან საქირო და საჩქარო საქმეა. განსაკუთრებით კი იმ კრედიტის მოწყობა, რომე-

ლიც მინდვრების და მამულების მორწყვას და-
 ეხმარება. მეტადრე ამ ორი წლის განმავლობაში,
 —სანამ მთავრობის პროექტი საბოლოოდ დამტკიც-
 დება, და სანამ ყოველ ქართლ-კახეთის მემამუ-
 ლეს აქვს კანონიერი უფლება ამ წყლებით ისარ-
 გებლოს. ამ საქმეს, როგორც კრედიტის, ისე იუ-
 რიდიულ და პრაქტიკულ დახმარებით, უნდა გა-
 უძღვნენ ქართული სასოფლო-სამეურნეო საზოგა-
 დოება და საადგილ-მამულო კომისია ქართლ-კახე-
 თის თავად-ახსარობისა, რომელთაც ხელთა აქვთ
 ცოდნა, ხალხი და შეძლებაც... სხვა სამელიორა-
 ციო საქიროებათა დაკმაყოფილება, როგორც წი-
 ნადაც ვამბობდი, აღმოსავლეთ საქართველოსთვის
 ჯერ არ არის ისე საქირო და ჩვენი ძალ-ღონე და
 შეძლება უნდა უფრო სხვა საქირო კრედიტის მო-
 წყობას შევალთ. მე მოგახსენებთ ფართო სამე-
 ურნეო*) კრედიტის ორგანიზაციაზედ, გრძელ ვა-
 დიანი სესხით, და თუ მას მიუმატებთ საქირო
 სამელიორაციო კრედიტის მოწყობასაც (იმერეთში
 —მორწყვა და ქაობების დაშრობა; ამერეთში—
 მორწყვა) ჩვენ გვექნება მაშინ ნათელი წარმოდგენა
 მომავალ, ძალიან სასარგებლო და მძლავრ დაწესე-
 ბულებისა — ე. ი. სამეურნეო-სამელიორაციო
 კრედიტისა.

„ეს კრედიტი, — როგორც სამართლია-
 ნად სწერდა გაზ. „იმერეთში“ ბ. გრ. გველე-
 სიანი, სწორედ იმით არის კარგი, რომ ის მამუ-
 ლის სამეურნეო-სატენიკო გაუმჯობესებას ემსახუ-
 რება. დიდ ანომალიად უნდა ჩავთვალოთ, რომ
 მიწათ-მოქმედ ქვეყანაში მიწათ-მოქმედება და სა-
 ზოგადოთ სასოფლო მეურნეობა, ღვთის ანაბარად
 არის მიტოვებული. უბრალო, მარტივი ლოლიკა
 იმას გვეუბნება, რომ კრედიტი ჯერ იმას უნდა გა-
 უჩინოთ, რაც ქვეყანას ასახრდოებს, რაც ამ ქვეყ-
 ნის მთავარი ძარღვია...“

მაგრამ მაინც ამ ძლიერ დაწესებულების და-
 არსებით საცხებით ვერ სწყდება ჩვენი ყოფნა არ
 ყოფნის მწვავე საკითხი, ქართველთა მიწის შესახებ.
 შეიძლება ამ კრედიტმა იგივე მიმართულება მიი-
 ლოს და მეურნეობას, დახმარების მაგივრად, ზიანიც
 მოუტანოს, როგორც მაგალითად ჩვენი საადგილ-

*) სხვათა შორის უმეტესი ნაწილი ჩვენი პრესისა
 „სასოფლო-სამეურნეო კრედიტს“ უწოდებს „სამელიორა-
 ციო კრედიტს“... მაგრამ ამაირი შერევა ტერმინებისა
 სასურველი არ არის, რადგან, მათი მიმართულება მართა-
 ლია საერთო მიზანს ემსახურება, მაგრამ შინაარსის მხრივ
 კი მათ შორის დიდი განსხვავებაა

მამულო ბანკების კრედიტმა მოგვიტანა, თუ სხვაფრი-
 ვაც არ შეეწყო ხელი სოფლის გაძლიერებას.
 სამეურნეო კრედიტი გზის ჩვენებას თხოუ-
 ლობს, რომ მის ამღებს რაც შეიძლება მეტი ნა-
 ყოფი მოუტანოს; ამისათვის კი საჭიროა სასოფლო-
 სამეურნეო საზოგადოებათა მუდმივი და ავტო-
 რიტეტული ხელმძღვანელობა. უხელმძღვანელო
 სამეურნეო კრედიტს გზა ებნევა და მისი ნაყოფიც
 შესამჩნევად მცირდება, ან სრუტეებითაც ჰჭრება.

შესაძლებელია კიდევ, რომ სანამ პეტრე მო-
 გვივა, პავლეს ტყავიც გააძრონ, ე. ი. თუ მივიღებთ
 მხედველობაში რა საუცხოვო ენერგიით ეტანება
 უცხო ხალხი ქართულ მიწა-წყალს, და რომ იგი მართ-
 ლაც ფეხქვეშ გვეცლება დღით-დღე, — ჩვენი მოწ-
 ყობილი სამეურნეო კრედიტი დაგვიანებული გამო-
 დგეს ბევრ ქართულ რაიონებისათვის. ამისათვის კი
 საჭიროა ქართულ მიწის მფლობელობას მფარველე-
 ბა აღმოუჩინოთ. ესენი იქნებიან საადგილ-მამულო
 კომიტეტები, რომელნიც ლეგალურად და კანონი-
 რად ამ მფარველობას იკისრებენ მიწის ყიდვა-და-
 ცვაში და მასთან ერთად ეცდებიან მოგვარებას და
 მოშორებას ათას დამაბრკოლებელ და ანორმალურ
 ფაქტორებისა დღევანდელ ჩვენი მიწის მფლობე-
 ლობისა. საბუთად, თუ ეს კომიტეტები რამდენად
 საქირო არის ჩვენთვის, მოვიყვან დამახასიათებელ
 ცნობას იმავე გაზ, „იმერეთში“ № 24 დაბეჭდილ
 საინტერესო წერილიდან ბ. „ნ-ო.“-სი — „ბორჩა-
 ლო“. ცნობილია, რომ ეს მხარე როდესღაც ქარ-
 თველებით სავსე იყო... ეხლა იქ ქართველობა 5⁰/₁₀₀-ს
 ძლივსღა შეადგენს... მაგრამ თავისუფალი ადგილე-
 ბი დასახლებისათვის საკმაოა... უმიწა-წყოდ დაჩა-
 გრულ რაქველობას ბევრჯელ სურდა გადასახლება
 ბორჩალოში, მაგრამ როგორც ამბობს ბ. ნ-ო.
 „რაქველებმა ბორჩალოში გადასახლება ვერ მოა-
 ხერხეს. ამის უმთავრესი მიზეზი უსახსრობა იყო.
 ვისაც გადასახლების სურვილი ჰქონდა რაქაში,
 ყველა ხელ მოკლე გლეხი იყო... გზის ფულსაც კი
 ვერ შოულობდნენ, რომ წამოსულიყვნენ ადგილე-
 ბის დასათავალიერებლათ. მათ დამხმარე არავინ
 აღმოუჩნდაო“...

ამ რიგად ქართულ მიწა-წყლის ყიდვა-დაცვის
 საქმეს და მასთან ერთად ეროვნულ ცხოვრების
 ეკონომიურ მხარის გამაგრებას დღეს დღეისობით
 უნდა ჩაუდგინენ სთავეში სასოფლო-სამეურნეო სა-
 ზოგადოებანი, საადგილ-მამულო კომიტეტები
 და სამეურნეო-სამელიორაციო კრედიტი მათ მი-
 ეშველებიან ჩვენი სახალხო კოოპერატიული და-
 წესებულებანიც და მათი კავშირები.

ყველა ეს დაწესებულებანი, მოწყობრად მოწყობილნი, შეასრულებენ იმ დიდებულ ეროვნულ მისიას მიწის დაცვას, გამაგრებას, აყვავებას, რომელიც დაუსახა დღეს წელში მოხრილ ქართველ ერს თანამედროვე ეპოქამ.

სადაც არა გვაქვს იგინი მოწყობილი—უნდა მოვაწყოთ, სადა გვაქვს—გავაძლიეროთ.

მაგალითად, იმერეთში არც სამეურნეო საზოგადოება და არც საადგილ-მ მულო კომიტეტი აქამდის არ არის მოწყობილი.

ქართლ-კახეთში, მართალია, ორივენი არსებობენ—მაგრამ ორივენივე მეტად სუსტები არიან.

არ ვიტყვი რომ უსახსრობისა გამო... უფრო იმიტომ, რომ იდეური მიმართულების უქონლობამ ხალხი ვერ შემოიკრიბა, მეტადრე მუშაობის სურვილით გამსჭვალული ამას უნდა მივაქციოთ ჩვენი უდიდესი ყურადღება... წინააღმდეგ შემთხვევაში, დიდი ეროვნული საქმეების მოწყობა, როგორც მაგალითად საერთო „სამეურნეო-სამელიორაციო ბანკის“ დაარსება, მეტად გაგვიძნელებდა, ფულიც რომ გვეშოვნოს. ამისათვის კი საქირთა ეხლა ჩვენმა მოღვაწეებმა იმდენი არ სწერონ და ილაპარაკონ—რამდენიც იმუშაონ, მით უფრო რომ ამ ლაპარაკით და წერით მოწინააღმდეგენი სარგებლობენ... სამუშაო კი ბევრია... გამოსაკვლევი—რა შეძლების და ძალების პატრონები ვართ, საფუძვლიანი გამოარკვევა ამ დაწესებულებათა გამაგრების პირობებისა, პროექტების შედგენა, მომუშავე ხალხის შემოკრება და სხვა ამ გვარი... მაგალითად, ჩვენ სულ ვოცნებობთ მითიურ 8 მილიონის თანხაზედ, რომელიც ვითომდა რჩება ქართველ თავად-აზნაურობას ვალდებულ გლეხების „ნადღების“ გამოსყიდვაში. პატივცემულმა ნ. თავდგირიძემ კიდევ „განაწილა“ 4 მილიონი! 3 მილიონი შეაქვს „ვკლადთ“ თავის კომერციულ ბანკში, — 1 მილიონამდე კი ამ ბანკის აქციების შესაძენად! მაგრამ, სამწუხ როდ ფაქტიურად ამერ-იმერის მთელი თავად-აზნაურობა ძლივს 3 მილიონს მიიღებს. და თავგანწირული მუშაობა დაგვიჩრდება, რომ აქედამ $\frac{1}{2}$ ან 1 მილიონი შევავაროვოთ... ოცნებას თავი უნდა დავანებოთ, და მიწაზედ დავეშვათ.

ჩვენ წინადადებას ვაძლევეთ ყველა იმ ქართველ მოღვაწეებს, ვინც ეკონომიურ საკითხებით დაინტერესებულთა, გამართონ რამდენიმე სერიოზული საერთო თათბირი ამ საკითხების გამოსარკვევად თბილისში ან ქუთაისში და შემდეგ დაუყოვნებლივ შეუდგნენ განხორციელებას.

დავით კახელი.

ქართულ კულტურის მოგვარეობა საზოგადოება

(ალექსანდრე ხახანაშვილის სახელის)

პირველ თებერვალს ამა 1913 წლისა შესდგა პირველი საზოგადო კრება ახლად დაარსებული საზოგადოებისა, რომელსაც მიზნადა აქვს შეისწავლოს ქართული კულტურის ყველა მხარეები და მოუყაროს თავი ამ დიდი საქმისათვის ყველა მსურველს და მცოდნეს, მიუხედავად მისი პოლიტიკური შეხედულებისა.

ამ საზოგადოებას განსაკუთრებით კულტურული მიზნები აქვს დასახული, რაც პირველ კრებაზედვე გამოირკვა იმ სიტყვებიდან, რომელნიც უძღვნეს ალ. ხახანაშვილს, როგორც საზოგადოების მისაბამ მაგალითს გ. ყორღანიამ, ნ. ჩიგოგიძემ, დ. კასრაძემ და სხვათა.

საზოგადოება ნაკლებ დაესწრო ამ საჯარო სხდომას, მაგრამ საზოგადოების დამაარსებელთა გულ-წრფელმა და მოაზრებულმა სიტყვებმა წრფელი სიხარული და წარმატების სურვილი გამოიწვიეს დამსწრეთა შორის.

ჩვენი ახალგაზრდა პოეტების ლექსებმა და ექსპრომპტებმა მეტად სასიამოვნო შთაბეჭდილება მოახდინეს მაყურებლებზედ, ასე რომ ქუჩიშვილს გაამეორებინეს კიდევ მისი გრძობით სავსე ლექსი.

წაკითხული იყო აგრეთვე რამდენიმე დეპეშა სხვა და სხვა საზოგადოებისა და პირთაგან.

მაგრამ უკეთესად გაცნობა მკითხველი ამ საზოგადოების პირველი კრების შინაარსს იმ სანიმუშო სიტყვიდან, რომელიც წაიკითხა ახალგაზრდა მწერალმა დ. კასრაძემ.

ალ. ს.—ძე ხახანიშვილი.

ბატონებო!

როდესაც სამშობლო ზღუდის ისედაც დამწუხრებულს სამრეკლოზე გაისმა საყოველთაო გლოვის ზარი, რომ ჩვენს მამულიშვილთა ისედაც მცირე რაზმს კიდევ ერთი თვალსაჩინო ბურჯი გამოეცალა **ალ. ს. ხახანაშვილის** სახითაო, მას ჩრდილოეთის სარტყელში გადახვეწილმა ჩვენმა მგოსანმა ი. ევლოშვილმა მეტად გრძობიერი გამოძახილით უპასუხა. მისი სევდიანი სიმი, უკედ, მის გულის კლავიშით ამონაკენისი მელოდია ისეთი სადა და მარტივი ნო-

ტებით არის მოქსოვილი, რომ ჩემს თავს ნებას მივცემ ეს საუცხოვო გამმა უცვლელად მოვიყვანო, მით უმეტეს, რომ მასში საოცარის სიცხველით გამოპკრთის განსვენებული პროფესორის ფერმკრთალი ლანდი. აი ეს ნაღვლით შეფერადებული მელონია:

ა ჩ რ დ ი ლ ი

0.12.1907

„არის აჩრდილო, ვით ღრუბელი სდამ-სდამით ბანდში აზოდის, მწუხრს ამოსდევს, ბანდში მოსტურავს, ხანა დიდინებს სეკადანათ, მაგრამ საამთო, ხან კი სიმწარით თვალუბადმ ცრემლებსა სწურავს. დაიარება ქუჩა-ქუჩა ქალაქის ბადში, აქ, აქ, სუვევლან მას შეჭხვადებთ მოხეტიადეს, მარტოთ-მარტოა, ვით ნაღველი გულის წიადში; ვერ დანახვით მის თვალუბში სიცილს და ალერსს. მხოლოდ, თუ სადმე შეჭხვადა ნახი, მჭკნარი უვაგილი, გადაგდებული, ვათელილი, ფურცელ ნასრესი, მაშინ მოისმის მისი მწარე ამოახილი, მაშინ მოისმის მისი მწარე ამონაკუნესი! რა სიყვარულით, რა სიამით ავლებს უვაგის ხელს, ვინ იცის, იქნებ იმ დროს ჰხვადეს ვისიმე თვალუბს, რა სიყვარულით, რა ალერსით დასტყერის უვაგის, ვინ იცის იქნებ იგონებს მას ტურფად გადაშლილს!

ქმ, გინობ, ძმაო, გინობ ძმაო, მწუხრის აჩრდილო, მახსოვს: ჭეკადი, შეჭხარადი ერთ დროს გაზაფხულს, ესლა რადა ხარ? უღმობუდად ჩამჭკნარ-გაძრცხილო, მოგკლავ ცხოვრებამ, მოსუდა მის მკერდს მოსწედი სიყვარულს ცრემლის და სისხლის ქარიშხალმა ამოვარდნილმა შენც თან წავიღო, გადაგტურდნა, მიგთელ-მოგთელა, იუგ უვაგილი, წმინდა ახრის წმინდა ლამზარი, და აჭა, ჩასტკნი, მტარწკლის ხელმა შენც ჩაგანედა!“

ვინც კი იცნობდა განსვენებულს პროფესორს, უეჭველია. ამ ლექსის ნაღვლიან აკორდში ნათლად დაინახავდა ასეთსავე ნაღვლიანს და ფერმკრთალ სახეს განსვენებულისას. მართლაც, რა იყო ხახანაშვილის ცხოვრება, თუ არა განდევნილობა, სულის სიბოლღე, რომ მიღეულ სანთელსავით ებნეუტნა, ვიდრე მისი სულის უკანასკნელს ღვენთს საკუთარ ცეცხლის სიცხველვე არ შეიღნობდა! ეჭა, ვინ იცის, მის დანაღვლიანებულს სადგომ ოთახს გარშემორტყმული წიგნების ყაფაზებითურთ ამეტყველება რომ შესძლებოდა, ვინ იცის მეთქი, ვიმეორებ, რაოდენი რამ მოეთხრო განსვენებულის ცხოვრებიდან, რომემაოც ერთს სიყარიბეში განვლო და საიდუმლოდ მიეფარა სივრცეთა უბეს!

წიგნების

მაგრამ ეს იყო მისი ცხოვრების მეორე ნახევარიო, მეტყვიით თქვენ: არა, ბატონებო! მისი ცხოვრების პირველი ნახევარიც ამ მეორეს არაფრით არ ჩამორჩებოდა: იგივე სიბოლღე, მარტოობა ყარიბი სულის, აი რა ერქმის მთელს მის ცხოვრების შინაარსსა! მაგრამ რომ ეს მარტო ცარიელა სიტყვები არ გეგონოსთ, ჩემს თავს ნებას მივცემ და მოკლედ გარბენილს მის ცხოვრებაზე შეგაჩერებთ:

აწ განსვენებული მხტოვანი პროფესორი ალ. ს. ხახანაშვილი დაიბადა 1866 წელს, ქ. გორში. თავის ბავშვობა გაატარა ამ პატარა ქალაქში: პირველად აქ აიღვა ფეხი, აქვე დაიწყო ტიტინი, სული და გული აქ გაეფურჩქნა, რის გამოც ასეთ რიგად შეუყვარდა იგი და სიკვდილის უმსაც კი, ვიდრე ფრჩხილის ოდენა იმედის სხივიც არ ჩაუქრა გამობრუნების შესახებ, იგი ოცნებას აშლევინებდა ფრთებს, რომ ორიოდ წლის შემდეგ დაბრუნდებოდა სამშობლოში და თავის სავანესაც ამ პატარა ქალაქში დაიდებდა, რომ მყუდროდ განეგრძო თავისი მეცნიერული შრომა. მაგრამ ვაი, რომ ეს ოცნება მხოლოდ ყრმობის სარკით გამომკრთალ ოცნებად დარჩა და ისევე ჩაჰქრა, როგორც ალიფლიფებული მისი ყარიბი სული.

პირველ-დაწყებითი სწავლა განსვენებულმა ალექსანდრე სოლომონისძემ, ანუ საშამ, როგორც ეძახდნენ ჩვეულებრივ, გორში მიიღო, სამოქალაქო სკოლაში. თუ რა შეადგენდა პატარა საშას მისწრაფებას ამ დროს, ამას გვიმტკიცებს მისი ცხოვრების ერთი პატარა ეპიზოდი, რომელიც ეხლაც ბევრს ახსოვს გორში. ეს გახლავთ **წიგნების მოპარვა**: ცნობილია, რომ საშა პატარაობიდანვე წიგნის შეძენის მანიით იყო შეპყრობილი. სადაც კი წიგნს მოახელებდა, იმდენს ეცდებოდა, როგორმე შეეძინა. და აი, ერთხელ მან თავის მასწავლებლის ოთახში შენიშნა წიგნთსაცავი ძვირფასად დაკაზმული სქელ-კანიანი წიგნებით. საშა სულ იმის ნატვრაში იყო, ნეტავი ეს წიგნები როგორმე ხელში ჩამაგდებინაო. ეს აზრი მშობლებსაც გაუზიარა, მაგრამ მათ სიცილადაც არა ჰყოფნიდათ, ოღონდ როდესაც ბავშვი გაჭირვეულდა, მამამ იმითი ანუგეშა, რომ შემდეგ გიყიდი, როცა პროფესორი გამოხვალ, აბა ეხლა რად გეჭირვებო. აბა რას წარმოიდგენდნენ, თუ ამ ირონიას, ქართლული გალიციზმით რომ ვსთქვათ, სასმენელი ზარი ჩამოუვლიდა! ასე იყო თუ ისე, ბავშვი როგორც იყო, დააშოშმინეს. მაგრამ ნუ ბრძანებთ, ეს დამშვიდება მხოლოდ გარეგნული სახით ყოფილ იყო,

გულში კი თურმე ბავშვი სულ სხვა რამეს იძრახდა: ერთს მშვენეირს დღეს, როცა მასწავლებელი გაიგულა, საშამ სარკმელის შუშები შეამტვირთა, გადაიპარა კაბინეტში, დაიზურგა წიგნები ჭ თავიანთსა გადმოიტანა. რომ ქურდობა არ გამოიმტკიცებულეყო, საშამ წიგნები ტახტის ქვეშ დამალა. რა თქმა უნდა, ქურდობის კვალს სულ ადვილად მიაგნებდნენ, რადგან შუშებისაგან ხელები დასისხლიანებოდა საშას. და მართლაც: ტირილით გამოუტყდა ყველაფერში, რასაც შესაფერი დატუქსვა მოჰყვა...

საშა უკვე მეორე კლასში იყო, როდესაც მშობლებმა გორის სამოქალაქო სასწავლებლიდან თბილისის პირველ გიმნაზიაში გადმოიყვანეს. აქ ბავშვი არა ჩვეულებრივს ნიქს იჩენს, განსაკუთრებით ძველი თუ ახალი ენების სწავლაში და ისტორია—სიტყვიერებაში. საშას ბეჯითობა უკიდურესობამდინ მიდიოდა. ერთთავად წიგნთან განუყრელად ნახავდით მას ეზოში ხის ქვეშ, ანუ ოთახში გულაღმა წამოწოლილს. მშობლები ტირილით და ჩივილით არ უსვენებდნენ: შვილო, შენი სწავლა რა ოხრად გვიწინა, თუ შენს თავს დაიჭირიანებო. მაგრამ საშა რას გაუგონებდა: იგი უკვე თავის სამშობლო სტიქიაში ჰგრძნობდა თავს და არავის ყურს არ ათხოვებდა, მე უკედ ვიცი რა უნდა გავაკეთო და როგორაო.

საინტერესოა საშას ამ დროინდელი ცხოვრებაც. ჯერ კიდევ გიმნაზიის პირველ კლასში იყო, რომ ჩვენი წარსულით დაინტერესდა იგი. ერთი სიტყვით, მან თითქოს ინსტიქტიურად ჩაენერგა დაბედუნებულ სამშობლოს სიყვარული. იმ დროს გიმნაზიაში ეროვნულს დიფერენციაციას დიდი ადგილი არა ჰქონდა. ჩვენმა ახალგაზრდობამ ხომ ტრადიციულად გადმოცემული რომანტიული შემეცნება ქართველობისა, მამათა ცოდვებისა გამო, ერთიანად დაჰკარგა და თითქმის თავისდა შეუმჩნეველად დაადგა გადაგვარების გზას. საბედნიეროდ, გიმნაზიაში გამეფებულმა სქოლასტიურმა დისციპლინამ ცალმხრით, ხოლო მეორეთი—სკოლის კედლებში გარუსების პოლიტიკის შეტანამ ერთგვარი კისტი წაჰკრა ჩვენს ახალგაზრდობას, რომლის სიმწვავე ყველაზე ადრე საშამ შეიგნო. მან უფრო, ადრე ვიდრე მისმა თანამოკლასე ქართველ ამხანაგებმა, შეიგნო თავისი ვინაობა, შეიგნო ჩვენი დაქვეითების მიზეზი და ადრე, ძალიან ადრე დააწყებინა ფიქრი გადმოგვარების საშუალების გაშოსანახვად. აი, სხვათა შორის, მისმა ამხანაგმა პალიკო ყიფიანმა თავის მოგონებათა შორის, როგორ დაახსიათა

იმ დროინდელი საშა: „ჩვენ პირველ კლასში ვიყავიო, როდესაც ახალ საგნად შემოიტანეს ფონეტიკა. რუსი მასწავლებელი მეტად დამთხვეული აღამიანი იყო, რომელსაც არავითარი ჰუმანიური მეთოდი არა ჰქონდა სახელმძღვანელოდ, ყველას გვაფრთხობდა სისასტიკით და თვითონაც არა გავებოდა რა, რას გვიხსნიდა და რას არაო. საინტერესო იყო მოწაფეთა გამოკითხვის წესრიგიც: გამუდმებული ზეზე იღგა, ყველას თვალეში შემოგვეყურებდა და მოულოდნელის იერიშით დაგვეყვირებდა: НУ КА, ПОВТОРИ! — გამეორებდი ხუთი მზად იყო, არა და ერთი ჩამოისმებოდა ჟურნალში. შეწუხდა მთელი კლასი. ერთად-ერთი საშა იყო, რომელსაც შემთხვევა არ მიეცა ერთი მიელო; ის ყველაზე ადრე მიხვდა საგნის ვითარებას და ყველასა გვევლიდა, რომ მასწავლებლის საკითხიდან გავნთავისუფლებულიყავით. მაგრამ ამითი არ გათავებულა საქმე: საშამ განიზრახა, რომ ის საგანი ქართველთა მონოპოლიად გამხდარიყო. და აი, თავის ამხანაგებიდან გამოარჩევს მხოლოდ ქართველებს, თავისთან მოუწოდებს სახლში, აუხსნის ყოველ დღე და ერთი კვირის შემდეგ მართლაც ქართველების მეტი ხუთის ღირსი არავინ გამოდგა და მასწავლებელიც ახლა ქართველებით იქებდა თავსა. მაშინ მიგზვდითო, დაასრულა თავის მოგონების ეს პატარა ეპიზოდი ბ-ნმა ყიფიანმა, რომ ჩვენ... თურმე ქართველები ვიყავითო!“

ასეთის სახით წარსდგა პატარა საშა თავის ამხანაგების წინაშე, ასეთი ბელადობა გაუწია და სამშობლოს სიყვარულზე აფიქრებინა თვითუელს მათგანს.

აქედან მოყოლებული, იგი შეუკავებლად მიდის წინ, კლასში ბადალი არავინა ჰყავს, და მალე გიმნაზიას ოქროს მედლით გაათავებს 1884 წელს, ესე-იგი მაშინ, როდესაც ის ჯერ კიდევ სრული 18 წლისა არ იყო. ახალგაზრდა სტუდენტს აღარ დაუყოვნებია და პირდაპირ დეზი მოსკოვისაკენ გაჰკრა. აქ იწყობა მისი პირველი ცდა სალიტერატურო ასპარეზზე გამოსასვლელად. სწერს სხ. და სხ. ჟურნალ-გაზეთებში, სთარგმნის ფრანგულ-გერმანული ენებიდან და სულ მოკლე ხანში მიიპყრობს როგორც თვის პროფესორების ყურადღებას, ისე ჩვენი საზოგადოებისასაც; ასე რომ ჯერ კიდევ 1886 წელს, როდესაც საშა მეორე კურსზე იყო, ივერიაში ჩვენმა მსკოვანმა ისტორიკოსმა მოსე ჯანაშვილმა ხაზ-გასმით აღნიშნა, რომ ჩვენს სამწერლო ასპარეზზე ერთი თვალსაჩინო ვარსკვლავი

ამოშუქდა ალექსანდრე ხახანაშვილის სახით, რომელიც ბევრს ნათელს მოჰყენს ჩვენს წარსულის ბუნდოვანებასაო. მართლაც დაკვირვებულ ისტორიკოსის შორს განჭვრეტამ საუკეთესო აღმასრულებელი დაინახა ხახანაშვილში. 1888 წელს ოცდაორი წლის ჰაბუკი ათავებს უნივერსიტეტს და თვის საყვარელ პროფესორის ილია ოქრომჭედლიშვილის კათედრას იქერს მოსკოვის აღმოსავლეთ ენათა ლაზარევის ინსტიტუტში. ეს კათედრა მსკოვანმა პროფესორმა სიცოცხლითვე დაუთმო თავის ღირსეულს მოწაფეს, რომელშიაც იგი ჰხედავდა შრომის მოყვარე ახალგაზრდას. მართლაც ახალგაზრდა პროფესორი ახლა აქაც ამართლებს თავის საყვარელ მასწავლებლის იმედებს. ჩვენს ახალგაზრდას მოველინება არა როგორც პროფესორი არამედ როგორც ამხანაგი.

საზოგადოთ მეტად უწყინარი ადამიანი გახლდათ განსვენებული ალ. სოლომონის ძე. კრავსავით მშვიდი, შრომის მოყვარე, ასჯერ და ათასჯერ ამჯობინებდა, რომ სხვას მისთვის ვნება მიეყენებინა, ვიდრე თავისმხრით ვისთვისმე რაიმე ეწყეინებინა მის იდეალის ერთადერთი მყუდრო ცხოვრება შეადგენდა. რა რიგი მარტივი, სადა და თავისებური წესრიგი ჰსუფევდა მის ოთახში! მას არ ჰქონდა ფუფუნებისადმი მისწრაფება, არცთუ ხმაურობა, სანახაობათა გაყოლება. თვით თეატრშიც კი იშვიათად დაიარებოდა, თუმცა სეზონის ბილეთი სამხატვრო თეატრიდან ყოველთვის ჰქონდა. სულ ორი ოთახი ჰქონდა დაქერილი. ერთი მშვენივრად მორთული. მოდარბაზეთა მისაღებად, მეორე კიდევ სამუშაო კაბინეთი, რომლის მორთულობას ირგვლივ წიგნების ყაფაზები შეადგენდა, შუაში საწერი მაგი და თავის სკამითურთ და ერთიც ხავერდის სოფა, რომ დაღლილობის დროს დასასვენებლად წამოწოლილიყო ხოლმე. საღილობდა შინვე, თვეში 15 მანეთად. ერთი სიტყვით, მისი ცხოვრება მწირის ცხოვრებას შეადგენდა, ანუ ჩუმი ბერის ცხოვრებას, რომელიც თავისთვის სენაკში იკეტება და საღმრთო ექსტაზს მიცემული, ან ოცნებობს სულის ცხოვრებაზე, ან და წიგნებსა სთხზავს, სთარგმნის,, სწავლულობს... განსვენებულს არ უყვარდა ზედმეტი ხარჯი, არა თუ თავის მხრით, არამედ სხვებსაც არ გააღებინებდა ხოლმე. ამ მხრით საინტერესოა მისი მოგზაურობა ჩვენს ნიკორეულს დაბა-სოფლებში. მას, საზოგადოთ, უფლება ჰქონდა სოფლიდან მოეთხოვა, — თორმეტი ცხენოსანი ჰხლებოდა თან. მაგრამ მას არასოდეს ორის მეტი არ გაუყოლებია თანა, სოფელს ზედმეტი ხარჯი რად უნდა მიეცეო. ხშირად მარტოც მიდიოდა, რის გამოც ერთხელ არაგვში კინალამ დაიხრჩო ფონის უკოდინარობისა გამო.

საინტერესოა მისი მუშაობის სისტემა. საუნივერსიტეტო საქმეს მორჩებოდა თუ არა, პირდა-

პირ სამუშაო კაბინეთს მიაშურებდა ხოლმე. მისი მუშაობა იქნობამდინ გრძელდებოდა, ვიდრე გაყრის დრო არ მოახლოვდებოდა, ესე იგი, როდესაც სანათს თავისი მნიშვნელობა ეკარგებოდა და განთიადის სხივებსაც ჯერ ვერ ეძლივნათ ელექტრონის სინათლისათვის. აი, მხოლოდ მაშინ მიჰლულავდა თვალს, მაშინ აგონდებოდა საწოლი. სწორედ ასეთი შრომის წყალობით უნდა აიხსნას, რომ განსვენებული აღრევე დასნეულდა, ფიზიკურად მთლად გატყდა, ღამით ძილი სანატრელი შეიქმნა მისთვის, მაგრამ ესეც არადა სჩნდა. მისი დიდი და დიდი დასვენება ბავშვობიდან გამოყოლილი ჩვეულება გახლდათ: გულადმა დაწოლით წიგნების კითხვა! ამას ამერიკულ სისტემის დასვენებას უწოდებდა განსვენებული. წამოწვებოდა სოფაზე და სწრაფად მისდევდა ტომი-ტომსა. აი, ამ უსისტემო სისტემის წყალობით განსვენებულმა ალექსანდრე სოლომონისძემ შესძლო შეუძლებელის გაკეთება.

დ. კასრადე.

(შემდეგი იქნება.)



სოპინოს საკრედიტო ამხანაგობა

(Вѣст. Мел. Кред.)

1 მარიაპოლისთვის 1907 წელს სოფ. სოპინოში, კიევის გუბერნიაში გლახებმა გახსნეს საკრედიტო ამხანაგობა. სახელმწიფო ბანკმა მისცა დასაწყისში გრძელ ვადიან სესხად 2,000 მანეთი. ამ პატარა თანხით დაიწყო თავისი მოღვაწეობა სოპინის საკრედიტო ამხანაგობამ. ამორჩეულ გამგეობის წევრებმა და საბჭომ გადასწყვიტეს უსასყიდლოდ ემუშავნათ. პირველ დღიდანვე ამხანაგობამ სამაგა-



სახლი, რომელშიაც დაიწყო მოქმედება სოპინის ამხანაგობამ 1907 წ.

ლითოდ მოაწყო სესხის გაცემის ოპერაციები და მასთან ერთად განიზრახა დაუყონებლივ გაუწიოს დახმარება თავის წევრებს, სამეურნეო და სულიერ მოთხოვნილებათა დასაკმაყოფილებლად. ამ დახმარებას ამხანაგობამ დიდი ყურადღება მიაქცია და მართლაც საუცხოვოდ აასრულა თავისი განზრახვა. 5 წლის განმავლობაში:

ამხანაგობამ მოაწყო **სასოფლო სამეურნეო მანქანების საწყობი**, სადაც ჰყიდდნენ — სამეურნეო მანქანებს, პურის საუკეთესო თესლეულობას, პატისსა, რკინეულობასა, ცემენტსა, კირსა, კრამიტსა, აგურსა, და სხვა და სხვა სოფლის საამშენებლო მასალებსა.



სოპინის სასოფლო-სამეურნეო მანქანების, პატისის და თესლეულობის საწყობი.

გაუწია წევრებს დახმარება **შუამავლობით მიწის უიდვაში და იჯარით აღებაში.** *ნაძისპოლის*

მოაწყო შუამავლობა წევრების პროდუქციის გასასაღებლად. ასაღებს წევრების პურს, რისთვისაც ააშენა ხორბლის შესანახი საწყობი, ჰყიდის წევრების მიერ მოტანილ საშაქრე ქარხანს და სხვა.



ხორბლის შესანახი საწყობი.

აგრეთვე დააარსა წევრთათვის **საქსოვი სახელოსნო**, მოაწყო საჩვენებელი ბაღები, ბოსტნები, სამაგალითო ფრინველთა მოშენება, და მეტეოროლოგიური სადგური.

მასთან ერთად ზამთარში თავის წევრებს დრო-

გამოშვებით უმართავს **ლექციებს სამეურნეო და საკოოპერაციო საკითხებზედ**, ბუნდოვან სურათებით.


ამ სამაგალითო და გონივრულად მოწყობილ ამხანაგობის მუშაობამ დიდი სახელი მოუხვეჭა სოპინის საგლეხო ბანკს და მრავალი ხალხიც მიიზიდა. 1907 წ. ითვლებოდა მარტო 147 წევრი — 1912 წ. ამხანაგობაში შედიოდა 1836 წევრი!

წევრების მიერ შესანახად შემოტანილი ფული 1912 წელს უდრიდა 149,258 მ. საკუთარი თანხები 3,400 მ., $\frac{1}{10}$ და მოგება 1912 წელს აღიოდა 12,941 მანეთამდის! და ამხანაგობის ბალანსი 281,602. სახელმწიფო ბანკსა და მთავრობამაც კი დახმარება გაუწია სოპინის ბანკს და მისცა სესხად სხვა და სხვა დროს 38,600 მანეთი. მაგრამ ეს დახმარება აღმოუჩინეს ამხანაგობას მაშინ, როცა დაინახეს სამაგალითო მოღვაწეობა ამხანაგების მესვეურებისა. ამ რიგად, მოყვანილ ცნობებიდან ჭ



ათასი, სჯა აწარმოებენ ეგულა (თაერადიებს) საქმეებს სოპინის ამხანაგობაში.

ციფირებიდან ნათლად გვეხატება თვალ წინ რა შეუძლიან გააკეთოს საკრედიტო ამხანაგობამ სოფლად და რა ნაყოფიც გამოიტანოს 5 წლის მოღვაწეობის განმავლობაში. დღევანდელი სოპინის ბანკის წევრები — უკრაინელი გლეხები; ამბობენ, „სოპინის საქმემ ზურგი გაგვიმაგრაო, ჩვენ მე-



საკუთარი შენობა სოპინის ამხანაგობისა, აშენებული 1911 წ.

ურნეობას მყვლეფავი ჩარჩები მოაშორა, ქონებრივად ხელი შეგვიწყო, ბნელ ცხოვრებაში სინათლის შუქი შემოიტანა და იმედები გაგვიღვიძა ახალ და კეთილ მომავლისათვის“.

დ. ვაჩნაძე.

სოფლის საჭიროებანი

სხვა საკითხთა შორის ჩვენს მეურნეობაში, დიდი ადგილი უნდა დაეთმოს სამელიორაციო საკითხსაც. თბილისის გუბერნიაში მელიორაცია უმთავრესად უნდა გამოიხატოს **სარწყავ არხების გაყვანაში**, რომელნიც გარდაჰქმნიან ღარიბ, შემოუსავლიან მიწებს — ძვირფას ადგილებად.

რამდენად მომწიფებულია ეს საკითხი ამიერკავკასიაში, საცა წყალი ცოტაა და ჰავაც მშრალი, სჩანს იმ ცვლილებიდან მუდანი ველში, საცა დესეტინა მიწა წინად იძლეოდა იჯარით თითო აბაზად და დღეს კი, სარწყავი არხების გაყვანის შემდეგ, ქირავდება არა ნაკლებ 200—250 მანეთისა. სულ 6—7 წ. განმავლობაში, სარწყავად გადიქცა 10,000 დესეტინამდე მიწა.

ამ საქმის დიდმნიშვნელობის შევნება თანდათან ფებს იკიდებს ჩვენს საზოგადოებაში და გლეხოებაშიაც.

ისტორიას თუ მივმართეთ, დავინახავთ, რომ ეს საქმე საქართველოში მეტად ფართოდ იყო დაყენებული. კვალი დიდი და პატარა სარწყავი არხებისა დღესაც ემჩნევა სხვა და სხვა კუთხეს. არავის ხეობაში, მაგ., საცა ვგრედ წოდებული მუხრანის არხია გაკომული ათი ვერსის სიგრძემდე; შემდეგ, სოფ. ჟინვანიდან სოფელ წიწამურზედ თბილისამდის მოდიოდა ვგრედ წოდებული თამარის არხი. კახეთშიაც ბევრგან ემჩნევა კვალი სარწყავი არხისა, რომელიც გომბორის კალთებით გადადიოდა შირაქის მნიღვრებში; და სხვა მრავალი ამისთანა არხი, რუ და ნაკადი, დარჩენილი ჩვენი ქვეყნის ბევრს კუთხეში.

შემდეგ, რაკი ტყეები იჩეხებოდა, მდინარე წყალი კლებულობდა და ამასთან სარწყავი მიწის სივრცეც. დღეს, მცირეოდენი გაცონაკლისით, თბილისის გუბერნიის ველმინდორი უნდა ურწყავად ჩაითვალოს.

ჩვენი ჰავის ბუნებრივი სიმშრალე წინ აყენებს აუცილებლად ხელოვნურ სარწყავების გამართვას.

ეს აუცილებლობა, სხვათა შორის, მშვენივრად შეუჩნიათ სოფ. მისაქციელის გლეხებს, რომელნიც სცილობენ არხის გამოყვანას არავგიდან, 600 დესეტინის მოსარწყავად. მათ მოიწვიეს ამ საქმისათვის ინჟინერი პ. ვ. მამრადე, რომელმაც შეადგინა შესაფერი პროექტი. ახლა საქმე გაფართოვდა: დასახლებულ გლეხკაცთ შეუერთდნენ გლეხები სოფ. ნაოხასი, ლამისა, აღდგომელასი და ადგილობრივი მემამულენი. დამატებითი პლანის შესამუშავებლად გაემგზავრნენ არავგზედ ინჟინერი მამრადე და ლ. ნ. დიასამიძე. სივრცე ახალის სარწყავი მიწების აღწევს ახლა 2,000 დესეტინას. აგრეთვე მოგვდის ახალ ახალი თხოვნები სხვადასხვა სოფლებიდან, რომ ისინიც შეუერთდებიან საზოგადოებას და მათი მიწებიც მოაქციონ სარწყავ არხების რაიონში.

გარდა მიწების რწყვისა, ამ არხებზედ აპირებენ 2—3 წისქვილის გამართვასაც.

განსაკუთრებულ თვისებას ამ საქმისას ის წარმოადგენს, რომ გლეხებს მშვენივრად შეუგნიათ მიზნის სილიადე და თავის თავზედ იღებენ უმეტეს ნიწილს მიწის საქმეებისას, რის შედეგიც არის დიდი ეკონომია და საქირო ფული შეადგენს მხოლოდ 20-30% იმ ფასისას, რაც ეღირება მთელი არხის გაყვანა.

საქიროა ამასთან, რომ მემამულეებმაც გამოიღონ შესაფერი წვლილი და ამით ხელი შეუწყონ ფრიად მარგებელი საქმის წინ წაწევას. მით უფრო რომ საადგილ-მამულო კომისიამ მიიღო რა მხედველობაში დიდი მნიშვნელობა ამ საქმისა თანამედროვე პირობებში, უკვე გაიღო დამატებითი პლანისათვის 400 მანეთი.

მოსალოდნელია, რომ ამ გაზაფხულზევე დაიწყება მუშაობა და ახლო მომავალში ასრულდება ადგილობრივ მცხოვრებთა დიდი ხნის ნატვრა.

ადგილობრივ გამოკითხვით გამოირკვა, რომ მცხოვრებნი ვერ სარგებლობენ თბილისთან სიახლოვით მარტო იმიტომ, რომ უწყულობისა გამო ვერ მოჰყავთ ვერც ბოსტნეული, ვერც ხეხილი. მათი სიტყვით, ყველა დარგული ხე და ნამყენი ხმება უწყულობით და საშველი არა აქვთ რა. ესლა თუ წყალი გავა, აპირებენ ბოსტნების და ბაღების გაჩენას, რაც დიდ შეღავათს მოუტანს მთელ რაიონს.

საერთოდ სასიამოვნო შთაბეჭდილებას ახდენს ის შეგნებული და მიზან შეწონილი მსჯელობა და მოქმედება, რომლითაც აქაური გლეხოება ეკიდება

თავის ეკონომიური მდგომარეობის გაუმჯობესებას. *)

ლ. დ.

ნავთის სავაჭრო

ასეთი სიძვირე ნავთისა (керосинъ), როგორც დღესა ბაქოში, აქ არავის ახსოვს. — „ძალა ჩვენს ხელშია, ჩვენა ვართ აქაური ბირჟის ბატონ-პატრონები“ — თანხედრად გაიძახიან ბაქოელი მილიონების პატრონები, და მართლაც, მათ ხელშია აქაური ბირჟის ბედ-იბაღი და ბირჟაზე კი დამუარებულია წვრილ მრეწველთა უოფნა არ უოფნა.

სიმდიდრისათვის გათავსებული და გასუნჯებული აღძვიანი რომ თავის ქერქში არ დადგება, ეს სასახლათა ჭკმშია. და არც ბაქოს კანტალისტები იტყვიან თავიანთ ქერქში. იბრძვიან. იღწვიან, ათასნაირ კომერციულ ხრიკებს ხმ:რობენ, ათასნაირ კომბინაციებს მართავენ, რომ ახალი მილიონებით აავსონ ბანკები. და აი კიდევ ერთი კომერციული ხრიკი, რის წყალობითაც თუ ამ ექვსი თვის წინა ბაქოში ნავთი ღირდა 44 კაპ. ფუთი დღესა ღირს 88 ჰაპ.

ამას წინა ბაქო დაარსდა სინდიკატი, რომელსაც შეადგენს 4-5 ადგილობრივი კანტალისტი. უოველივე ასეთი კომერციული ხრიკი ბაქოში ფურულად კეთდება, იგი დიდი სიადუმილობით არის მოცული და სინდიკატის დაარსებაც არავინ იცოდა. ამ 4-5-მა კანტალისტმა მთელი ბაქო რაიონებზე დაიფიქს და რამდენიმე დღის განმავლობაში ხელში ჩაიგდეს უველა ნავთის სხდელი ქარხანა, ¹⁾ რომელსაც ცოტად თუ ბევრად მათი განძრახული სავაჭრო კონკურენცია შეეძლო. ამ დროს ბირჟაზე ნავთი ღირდა 42-44 კაპ. ფუთი. სინდიკატის წარმომადგენლები კი ნავთის გამოხდელ მექანზინებს სამის წლით ზირობის წერილებით შეეკვრნენ, რომ ამ ხანში რამდენიც უნდა გამოეხდათ ნავთი, არა ჰქონ-

დეთ უფლება კერძოთ გაეიდგის, — უნდა ჩაეარებინათ მათთვის 45-46 კაპ. ფუთი, რისთვისაც წინაწინ დაურთდა მათ მილიონები. როდესაც ამინად მოაწვეეს სავაჭრო და აურებული ნავთი ხელში ჩაიგდეს, მაშინ გამოცხადდა სინდიკატის დაარსება, დაქტროლეს ბირჟას და დაეპატრონენ კიდევ მას. გაიგეს თუ არა ეს შატრუელებმა, მხეში გამოუღებმა ნავთის გამოხდელ მექანზინებმა, თავში ხელს იცემდნენ, მაგრამ გვიან და იყო; იგინი ხელ-ფეხს შეკრულნი აღმოჩნდნენ ზირობის წერილებში მოხსენებული აურებული ჯარიმებით, თუ დაარღვევდნენ ზირობის რომელიმე მუხლს.

როგორც კი დაეპატრონა სინდიკატი ბირჟას, მის ბიულეტენებში გაქრა ის ნაწილი, სადაც უოველ დღე იწერებოდა ნავთის კოტიროგა.

და ან რა სავაჭროგადა, რომ ასე მომხდარიყო: ბირჟის კომიტეტის შესვერნი იმ კანტალისტების წარმომადგენლები არიან, რომელნიც შეადგენენ დღევანდელ სინდიკატს, ე. ი. რამდენი, ნობელი, ლიანოზოვი და სხვა. რა თქმა უნდა უზირველეს სავაჭროგას წარმომადგენლად მათთვის ბირჟის ბიულეტენის გადახდისეა, გადაგვარება. ან რა სავაჭრო იყო ბირჟაზე ნავთის კოტიროგის ნაწილი, რისთვის უნდა ეჩხირებოდეს რუსეთში მცხოვრებელს, რომ მათ ქვეყანაში ამოხული ნავთი სხვაგვარად გარედ ღირს 42-44 კაპ. ფუთი და აქ, შინ-კი 88 კაპ.

ამინად ბაქოს კანტალისტები შინურს ცხრა ტყავს აძრობენ და გარეულს კი ფუფუნებაში ამოფიქსებენ; მაგრამ უბედურება ის არის, რომ ეს ცხრა ტყავი მართლ დარბის და მუშა კაცსა სძურება, მდიდარი და ცოტა შეძლებული კი უფრებლად რჩება.

არსებობს სინდიკატები: ქვის ნახშირზე, რკინაზე, სპიჩაკზე, სპანზე, შაქარზე და სხვა ათასნაირ სავაჭროებზე, რომელთაგან ნაკლებად არ არის აწვეული ფასები, მაგრამ ეს ისეთი სავაჭრობა, რომელიც უველა კლასის ინტერესებს ეხება, იგი უველასთვის სავაჭროა, მას უველა ეიდულობს განურჩევლად, დარბობს თუ მდიდარი და სინდიკატებისგან დადებულ ჯარიმას იხდის ორივე მხარე-მდიდარიც და დარბიც, მხოლოდ ნავთის სინდიკატის ჯარიმას კი უფრო დარბობს იხდის, რადგან დღევანდელ ზირობებში არამც თუ მდიდარი, არამედ შუათანა კლასი, უბრალო ვაჭარიც კი დიდი ხანია თავს ანებებს ნავთის და მიმართავს ელექტრონულ განათებას. მაგრამ დარბობს კაცისთვის კი თავში სავაჭრო ისევე ნავთის. ვერ შესწავლება ელექტრონის და ისევე 10-15 კაპ. იშოვნის, რომ იუიდას 1-2 გირვანქა ნავთი და ვინ იცის რამდენი კვანძა — ვაჭობით შეძენილი მანეთებისგან უნდა

*) მაზუთიდან იხდება ნავთი. ამასუდ შემდეგ გვექნება ლაპარაკი. — ა. ნ — ძე.

*) ამ საყურადღებო წერილს მით უფრო სიამოვნებით უთმობთ ადგილს, რომ, როგორც რედაქციამ მიიღო ცნობები, მთავრობა აპირებს მტკვრისა, არაგვის, ალაზნის ქსნის და სხვა მდინარე წყლების შეკვრას, რადგან მთელი ეს წყალი სჭირდება მულანის ველის მოსარწყავად, რისთვისაც უვეგ გადაუღვია განსაკუთრებული თანხა. ეს გარდაწვეტილება საშინელს საფრთხეს უმზადებს ჩვენს ქვეყანას და დროით უნდა მივიღოთ რაიმე ზომები.

შესდგეს ის მილიონები, რომელნიც აწესებენ ამ 4-5 კაცი გაუმადარ ჯიბეს.

სე აგრელებენ თავიანთ მანიპულიაციებს რუსეთის მცხოვრებლებზედ ეს გაუმადარი სვაკები. და კიდევ კარგი თუ მარტო 100%-თ ნავთის ფასის აწევით დაკმაყოფილდებიან, ეს ნათლად სჩანს იქიდან, რომ მოსინდიკატე კანტადასტები ამ რამდენიმე დღის წინა დღეებზე თავიანთ ნავთის სამუშაოებს აუარებელი ახალი აქციები გამოუშვეს, აღბად რაღაც უსამიხელეს რამეს ახირობენ, რომ საბრალდო დარბის უფრო მკრად მოჭკიდონ თავისი კლანკები და უფრო მოხერხებული თბობასავით სწავონ მათ წვეთ-წვეთი სისხლი.

შეიძლება თუ არა სინდიკატის ადვირ-წახსნილი თავხედობის ალაგვა, ამასზედ შემდეგს წერილში მოვილაშრავებთ.

ალ. ნ—ძე.



მ მ რ უ ლ ი

როგორც ვიცით, ირლანდია დასავლეთი კუნძულია ინგლისის „შერთებული სამეფოსი“. ერთ დროს იგი ცალკე სახელმწიფოს შეადგენდა, მაგრამ ინგლისმა სხვა და სხვა დროს ნელა-ნელა შემოიერთა იგი, ცეცხლითა და მახვილით გაიარა მთელი ირლანდია, ბევრი პროვინცია ამოსწვა, ხალხი ამოჰლიტა და მისი მიწები ინგლისელ კოლონისტებს დაურიგა. ყველა ამის მიუხედავად, ირლანდიას თავისი პარლამენტი შერჩა და მხოლოდ 1801 წ. 1 იანვარს საბოლოოდ მოუსპეს ირლანდიას თავისუფლება, ეგრედ წოდებულ „უნიით“.

აი, აქედან იწყება დაუტყობელი ბრძოლა ირლანდიელებისა თავისუფლებისათვის, რომელიც საბოლოოდ ჩამოყალიბდა გარკვეულ პროგრამაში, ეგრედ წოდებულ „ჰომრულში“, ანუ როგორც ეხლა მიღებულია საერთა შორისა ტერმინოლოგიით—ავტონომიაში.

თუ წინაღ, უმთავრესად მე-XVIII და იმის წინა საუკუნოებში ბრძოლა ინგლისსა და ირლანდიას შორის სწარმოებდა ეროვნულ და სარწმუნოებრივ საფუძველზე, მეცხრამეტე საუკუნეში უდიდესი ადგილი დაეთმო აგრარულს ბრძოლას, ეკონომიურს, რადგან ინგლისმა უტიფრად გამოაცალა ფეხქვეში-

დან ნიადაგი ადგილობრივ მცხოვრებთ, და თითქმის მთელი ტერიტორია გადასცა ინგლისელ ლორდებს და მათს ნათესავებს. სისტემატიურად სპობდა და ჰყრიდა ირლანდიელებს ადგილიდან, ან სხვა ქვეყნებში ან სქყლეტავდა პატარა ფარგალში, საიდანაც ნებას არ აძლევდნენ გამოსვლისას. ირლანდიელებს უკრძალავდნენ მიწის ყიდვას, რაიმე ხელობის შესწავლას და მხოლოდ ტვირთის შვიდავად, ან უბრალო მუშად თუ შეეძლოთ ყოფნა.

ამავე დროს შიდა ინგლისიდან ასახლებდნენ ირლანდიაში ინგლისელ მრეწველებს; სისასტიკით გამოჩენილ სალდათებს და აფიცრებს აძლევდნენ საუკეთესო მიწებს და ყოველგვარ შეღავათს, რომ უარესად დაეჩაგრათ მცხოვრებნი და თვითონ გაკეთებულიყვნენ, რომ ძალად ამოეფხვრათ ირლანდიელთა ეროვნება და აეთქვიფათ ინგლისელთა „კულტურაში“.

მაგრამ ეს სასტიკი ზომები ვერ აღწევდნენ საწადელს და ირლანდია დღითი-დღე უფრო მედგრად თხოულობდა სამართალს და საკუთარს უფლებას. აგრარულ ნიადაგზედ გვაუთავებელი ბრძოლა იყო ლენდლორდების (დიდი მიწების პატრონების) და ირლანდიელთა შორის, რომელსაც მოსდევდა სისხლის ღვრა და ცეცხლით ამოზუგვა მრავალი მემამულესი და მათი მოურავებისა. მთავრობა ველარ უწევდა მფარველობას თავის საყვარელ ინგლისელებს ირლანდიაში, რადგან მთელი ხალხი მათ წინააღმდეგი იყო და დათმობის გზას დაადგა.

ასეთი განცალკევებული და უსისტემო ბრძოლა XIX საუკუნის მეოცე წლებში გადაიქცა გარკვეულად გამოხატულ მოთხოვნილებად, რომლის გარშემო შეიკრიბა მთელი პარტია ოკონნელის მეთაურობით. ეს პარტია ითხოვდა უნიის დარღვევას და ირლანდიის თვითმართველობის გამოცხადებას, ე. ი. პოლიტიკურს თავისუფლებას; თუმცა სარჩულად ამ მოთხოვნას ედგა სოციალური რეფორმა მიწის საჭიროებისა. ოკონნელი დაატუსაღეს.

შემდეგში ინგლისმა ზოგიერთი შესამსუბუქებელი რეფორმა შეიტანა ირლანდიაში, მაგრამ მთელ ერს ამით ვერ დააკმაყოფილებდნენ და ხელახლა იწყობა ეროვნულ ძალითა შემოკრება ერთი მიზნის გარშემო, რამაც ნამეტანის ძალით იჩინა თავი 1845—ნ წ. შიმშილობის შემდეგ, როცა „ახალგაზრდა ირლანდია“ კავშირი დიიჭირა საფრანგეთის „დროებით მთავრობასთან“ (1848 წ.).

ინგლისის პარლამენტმა სასტიკი ზომები მი-

ილო ახალი პარტიის წინააღმდეგ და საშინლად დამარცხა და გასრისა მემამოხენი.

ეს დამარცხება იმითაც აიხსნება, რომ ინგლისი მეტად გაამძვინა და შეაშინა „ახალი ირლანდიის“ რესპუბლიკანობამ და საფრანგეთთან კავშირის დაქვრამ.

მაგრამ დამარცხებამ არ მოუსპო სურვილი თავისუფლებისა ირლანდიელთ, რაკი შევიწროებული მდგომარეობა არაფრით იცვლებოდა; მიწა ისეთივე ძვირი საშოვნელი იყო, როგორც წინ აღ და ირლანდია კი მხოლოდ მიწათ-მოქმედებაში პოულობს საცხოვრებელ სახსარს.

ამ ნიადაგზე გაჩნდა ორი პარტია. პირველი პოლიტიკური — „პარტია ჰომრულისა“, რომელიც იბრძოდა ეროვნული ავტონომიისათვის და მეორე აგრარული, ანუ სოციალური პარტია, თუ შეიძლება ასე ვსთქვათ, „აგრარული ლიგა“, რომლის უმთავრესი მიზანი იყო საადგილ-მამულო საკითხები გადაწყვეტა, სახელდობრ: 1) ხანგრძლივი იჯარა (fixity of tenure), რადგან იქამდე ირლანდიელს ნება არა ჰქონდა გრძელი ვადით იჯარის აღება და იმ ინგლისელსაც, რომელიც გაბედავდა მიცემას, კანონი სჯიდა. 2) მიწის ყიდვის თავისუფლება (free sale), რაკი ირლანდიელებს, როგორც ეხლა ებრაელებს რუსეთში, უფლება არა ჰქონდათ მიწის შეძენისა. თავის საკუთარი მიწის (რომელიც ინგლისელებმა ძალით წაართვეს) შესყიდვის ნებაც არა ჰქონდათ. 3) სამართლიანი რენტა (fair rent). ეს უკანასკნელი მოთხოვნა იქიდან წარმოსდგა, რომ მდიდარი ლორდები, რომელთაც თავით ინგლისში დიდ ძალი მამული ჰქონდათ, ხელსაც არ ანძრევდნენ ირლანდიის მამულების დასამუშავებლად. ისინი იჯარით აძლევდნენ მთელს თავის მამულს ვინმე ერთ კაცს (უეჭველად ინგლისელს), ეს კაცი ანაწილებდა მიწას და აძლევდა რამდენიმე პირს, რომელნიც თავის მხრივ კიდევ ჰყოფდნენ თავის ნაწილებს და არიგებდნენ მესამე, მეოთხე და სხ. ამრიგად მიწას ამუშავებდა მხოლოდ მეექვსე ან მეშვიდე პირი, მდგარი ამ კიბეზე და, რასაკვირველია, 6—7 ტყავი სძვრებოდა ყველა ამ ბატონთა დასაკმაყოფილებლად.

ეს ორი პარტია — „ჰომრულისა“ და „საადგილ-მამულო ლიგა“, რომელსაც სათავეში ედგა მიხეილ დევიტი, 1877 წელს შეერთდნენ ერთი მიზნისთვის და აქედან იწყება ჰომრულის საძირკვლიანი სიმაგრე.

ჰომრულმა ორი უმთავრესი მუხლი შეიმუშავა

ინგლისისაგან მოსათხოვნად: 1) ლენდლორდობის მოსპობა, (მსხვილი მიწად-მფლობელობისა) და 2) ეროვნული ავტონომია. მაგრამ ეს მოთხოვნები დაამყარა უმთავრესად პარლამენტალურ ბრძოლაზედ. უნდა გაკისხნოთ, რომ ირლანდიელთა ცალკე პარლამენტის მოსპობის შემდეგ, ინგლისის პარლამენტში მათ დათმობილი ჰქონდათ 103 ადგილი.

იმ დროინდელი ბრძანებელი ინგლისისა — გლადსტონი მიხვდა რომ ბრძოლით და „ინგლისიფიკაციით“ არამთუ არა მშვიდდება ირლანდია, პირიქით იწვევდა გაუთავებელ შფოთს და აუარებელ ხარჯს და პირდაპირ აღიარა ჰომრულის საჭიროება, როცა მისმა აგრარულმა რეფორმებმაც ვერაინ დააკმაყოფილეს.

1886 წელს გლადსტონი დამარცხდა პარლამენტში, რადგან არისტოკრატიული ნაწილი ლიბერალებისა, კონსერვატორები და სხ. არ ვაჰყენენ ჰომრულის მომხრე ლიბერალებს და ირლანდიის წარმომადგენელთ.

დროებით, 1892 წლამდე, გამარჯვებულნი იყვნენ კონსერვატორები და უნიონისტები, სოლსბერის წინამძღოლობით. მაგრამ 1892 წ. გაიმარჯვეს არჩევნებზედ ისევ ლიბერალებმა და გლადსტონმა ხელახლა წამოაყენა საკითხი ჰომრულისა.

იგი ასაბუთებდა ამ რეფორმას იმით, რომ ავტონომიური ირლანდია არასოდეს სეპარატისტულ მისწრაფებათ არ იქონიებს, რაკი მისი ინტერესები მკირდოდ არიან დაკავშირებულნი ინგლისის ინტერესებთან; მაშინ როდესაც ძალ-დატანება და სასტიკი ზომები სთესავენ მარტო სიმძულვარეს და სახელმწიფოს უჩენენ შინაურ მტრებს და ამით გარეშე მტრებსაც აძლიერებენ. როგორც საუკეთესო დამამტკიცებელი მაგალითი თავისი სიტყვებისა, გლადსტონს მოჰყავდა კანადის ავტონომია, რომელმაც დაამტკიცა გულითადი ერთობა თავის მეტროპოლისთან. ამ ყამად, პარლამენტში უმრავლესობა მიემხრო ჰომრულს, მაგრამ ლორდების პალატამ უარჰყო იგი, მეფემ ვერ გაბედა ლორდების წინააღმდეგ წასვლა და გლადსტონმა სრულებით დაანება თავი პოლიტიკურ მოქმედებას.

მესამედ ჰომრულის საკითხი აღიძრა პარლამენტში ეხლა 1912 წ. და უმრავლესობამ იგი მიიღო, როგორც საუკეთესო საშუალება სახელმწიფოს გამარებისა.

მართალია, ლორდთა პალატამ ეხლაც უარჰყო იგი, მაგრამ საზოგადო აზრი ეხლა მთლად ჰომრულის მომხრეა, სახელმწიფოებრივმა გამოც-

დღივებამ კანადაში, სამხრეთ აფრიკაში და ავსტრალიაში ნათლად დაუმტკიცა ინგლისს, რომ ავტონომიურ მართვა-გამგეობას არამთუ საფრთხე არა მოაქვს რა, პირიქით უფრო მჭიდროდ აკავშირებს ერთმანეთს სახელმწიფოს ნაწილებს და ჰქმნის საერთო სამშობლოს სიმძლავრეს.

ადგილი შესაძლებელია, ამ წელსვე ჰომრულმა არ მიიღოს კანონის სახე, რადგან ლორდებს შეუძლიანთ საბოლოოდ უარჰყონ იგი, მაგრამ 1911 წლის კანონით (ქვედა პალატის „ვეტოს“ შესახებ) ინგლისის ერს ძალა ეძლევა გააბათილოს ლორდების სურვილი და მაშინ აუცილებელია, 1914 წელს ჰომრული კანონად იქცევა და ასი წლის ბრძოლა ირლანდიელთა სრულის გამარჯვებით დამთავრდება, თუ რაიმე ახალი დაბრკოლებანი არ გამოუჩნდა ამ სახელმწიფოებრ-ვ და იმავე დროს სამართლიან გარდაწყვეტილებას. თუ როგორნი შეიძლება იყვნენ ეს დაბრკოლებანი, ამას შემდეგ წერილში განვიხილავთ, როცა უფრო დაწვრილებით შევხებით ჰომრულის ისტორიას და გამოვწახავთ მის მსგავსებას და სხადასხვაობას ჩვენს საკუთარ ისტორიაში.

რ. გ.

„ხ ა ტ ი ს ი ა კ კ ა“

სადგურ ნავთლულის გადაღმა იშლება ვეებერთელა ველი, რომელიც ქალაქის საკუთრებას შეადგენს. 1908 წ. თანახმად ნავთლულის სადგურზე წერილ მოსამსახურეთა თხოვნისა, ქ.-თვითმმართველობის განკარგულებით ერთი ნაწილი ამ მამულისა დაგეგმილი იყო საახალშენოდ. მთელ საახალშენოში, როგორც გეგმიდანა სჩანს, სულ 400 ნაჭერია იჯარით გასაცემი, თითო ნაჭერში 150—200 ოთხ. საუ. გარდა ამისა, სხვადასხვა დაწესებულებებისათვის და ქუჩებისათვის ადგილები უკვე გამოყოფილია. — იმ თავიდან, ამ საახალშენო ადგილის მოიჯარადრებად უმთავრესად ზემორე მოყვანილი რკინის გზის მოსამსახურეები ჰყავდა მხედველობაში ქ.-თვითმმართველობას და ამიტომ თვით ახალშენისათვის, როგორც გეგმაზეა აღნიშნული, უწოდებით: „Жел.-лѣсно-дорожный поселок“, მაგრამ მაშინ იმდენი მსურველებიც არ აღმოჩენილან და ბევრი ნაჭერი დარჩენილა გაუცემელი, ხოლო ამ ბოლო

ხანებში, როდესაც ამ საახალშენოს ერთ გვერდზე ქალაქის ახალი სასაკლაო მთავრდება, მეორეზე — კახეთის რკინის გზის სადგური აპირობს თავის წამოყოფას და მესამეზე კიდევ, რაც უმთავრესია, საუნივერსიტეტო ადგილი მდებარეობს, მსურველებიც მრავალი გამოჩნდა.

ჯერ-ჯერობით არავენ იცის, რასაკვირველია, რომელ ეროვნების რიცხვი იქმნება უმრავლესად ამ ახალშენში, მაგრამ ეს კი ცხადია, რომ ამ ახალშენში სომხების საგრძნობი რიცხვი დასახლდება, რაც იქიდანა სჩანს, რომ გრიგორიანების ეკლესიისათვის ცენტრალური ალაგიც კია გეგმით გამოყოფილი. მაგრამ ამასაც არ კმარაბენ. ამას წინად „თბილისის ფურცელმა“ გვაძენო, რომ ამ ახალშენს უთუოდ „ხატისოვკა“ დაერქმევა, რადგანაც თხოვნებში მთხოვნელები ამ ახალშენს „ხატისოვკად“ იხსენიებენო. საქმე ის არის, რომ მთხოვნელებს სიადგანდაც აწოდებენ დაბეჭდილ თხოვნებს, რომელშიაც ეს ალაგი „ხატისოვკად“ არის წოდებული, ამიტომ შეუძლებელია ვიფიქროთ, რომ ეს მთხოვნელნი ამ სახელწოდებით ვითომდა იმიტომ იხსენიებდნენ ამ ახალშენს, რომ მომავალ მოიჯარადრებებს სურვილი ჰქონდეთ მაინცა და მაიც „ხატისოვკად“ მონათლონ გევით უკვე სახელწოდებული „Жел.-лѣсн. поселок“ ასეა თუ ისე, მაინც სასურველია ჩვენებმაც მიაქციონ ყურადღება ამ მომავალ ახალშენს და სანამ ჯერ კიდევ სულ არ გაცემულა ნაჭრები, შეიძინონ იჯარით. საიჯარო გადასახადი 5—10—15 კ. საუ., ნაჭერის ადგილმდებარეობის მიხედვით. (სხვა საჭირო ცნობები მსურველთ შეუძლიანთ მიიღონ „კლდის“ რედაქციაში).

S.

P. S. ხსენებულ ამბავს 5 წლის ისტორია აქვს. აი როგორ დაუხვდა მას 1908 წ. ჟურნალი „ჩვენი კვალი“ № 23.

„დასასრულ ერთი სასიამოვნო ამბავი. ქალაქ თბილისის ხმოსანი ხატისოვი დაგვირგვინებულა, მარანტეხებულა, კურთხეულა შეეჯად ნაკთულდისა. თუმცა ჯერჯერობით მას 400 ოჯახი ჰყავს ქვე შუკრდამად, მაგრამ ჩვენს დროში თუ ვისმე ეს ოთხსია მაინც შერჩა ერთგულ ემად, ესეც დიდი რამ არის. ხატისოვს კი, როგორც ვიცით, ბუდი სწყალობს; მთელს მის სახელმწიფოს მისივე სახელი დაერქმევა, რათა უფკლეთვის თვალწინ ედგას ერს მისი ხატება, მისი გვაგვიანსობა, მისი

ნაკურთხი კვერთხი. საიდან მოიპოვა ხატისფერმა ჰორფორი, ამასაც მოკახსენებთ:

ქალაქ თბილისის გამგეობამ რკინის გზის მონაშენებელთა 400 კაცს მისცა იჯარით დასახლებული მიწები ნაუთაღის დასახლებაში. მომავალ სოფელს, გადაუწყვეტიათ, „ხატისფერის“ უწოდონ.

დაახლოებით ვგანვიხილოთ იმის „მონაშენებლის“ წინააღმდეგ, საერთო ამხედრება და აი, ხატისფერის უხელონია დრო უშოკია გვირგვინი. ის ბოლოდან შემოსევია თბილისის და იმედია როცა თავში ავა, თბილისსაც სხელი გამოეცვლება. დაახლოებით მთავარი მოქალაქის ჩვენს დედა ქალაქს!

რუსების გადმოსახლება ამიერ-კავკასიაში

ამ სათაურით „მთავრობის მოამბის“ მე-265 №-ში 1912 წ. მოთავსებული არის ვრცელი შენიშვნა, რომლიდანაც აქ მოვიყვან უფრო საყურადღებო ცნობებს:

„კავკასიაში რუსების გადმოსახლების საქმეს ამნაირად უძღვება გადასახლების მთავარი გამგეობა: პირველ ყოვლისა, ბოტანიკურად და სტატისტიკურად იკვლევს იმ მიწებს, რომლებიც რუსების გადმოსახლებლად არის დანიშნული. მას შემდეგ ჰყოფს იმ მიწებს ნაჭრებად გადმოსახლებელ რუსების ოჯახებისათვის და გაჰყავს იქითკენ გზები, და ბოლოს ასახლებს ზედ რუსებს, აძლევს მათ ყოველგვარ სესხს, რაც ამ შემთხვევებისათვის განსაკუთრებული კანონით არის დადგენილი, ე. ი. სახლკარის ასაშენებელს, საერთო სასარგებლო საქმეების მოსაწყობს და გზის ხარჯის ასანაზღაურებელს.

„რუსების კავკასიაში გადმოსახლება დიდი ხანია დაწყებულია, ხოლო წარსული საუკუნის ბოლომდე უფრო შემთხვევითი ხასიათი ჰქონდა: წელიწადში, სულ ბევრი, რამდენიმე ოჯახობას ასახლებდა ხოლომე ადმინისტრაცია. მხოლოდ 1899 წლიდან კავკასიისთვისაც შემოიღეს ციმბირში მოქმედი 13 ივლისის 1988 წლის კანონი სოფლებების და მოქალაქეების გადასახლებისათვის დადგენილი და სწორედ ამ დროიდან იწყება რუსების ამიერ კავკასიაში გადმოსახლებლად მიწების დამ-

ზიდება, ჯერ მიწის მზომელებისაგან, და შემდეგ კი 1901 წლიდან საგანგებოდ დაარსებულის მიწების მიწობი რაზმისაგან.

„1905 წლიდან რუსების გადმოსახლების ორგანიზაციამ საგნად დაისახა თან-და-თან გაამრავლოს რუსების რიცხვი ამიერ-კავკასიაში.

„ბოლო წლებში სისტემატიურად შეისწავლეს სახელმწიფო თავისუფალ მიწების რაოდენობა კავკასიაში და აღმოჩნდა, რომ დასამუშავებლად გამოსადეგი და აგრეთვე გამოუსადეგარი სახელმწიფო მიწები კავკასიაში არის სულ 3¹/₂ მილიონამდე დესეტინა. მათ შორის:

- ა) აღმოსავლეთ ამიერ-კავკასიაში — 1¹/₂ მილიონი დესეტინა.
- ბ) ჩერნომორის გუბერნიაში — 400,000 დესეტინა.

გ) ამიერ-კავკასიის ხუთს გუბერნიაში საბალახოები, რომლებიც ჯერ-ჯერობით ადგილობრივ მკვიდრ ეძლევათ ყოველ-წლივ საქონლის საბალახოთ, თუმცა ეს მიწები გამოდგება საქონლის კულტურულად მოშენებისთვისაც 735,000 დესეტინა.

დ) ტყეები მთებსა და ბარში, რომლებიც შეიძლება ზოგან გამოყენებულ იქნას სასოფლო მეურნეობისათვის — 762,000 დესეტინა.

ამ მიწებიდან ჯერ უნდა დაესახლებინათ მულანისა და მელის ველები, სპარსეთის საზღვარზე, და შემდეგ შავი ზღვის ნაპირი ნოვოროსისკიდან ოსმალეთის საზღვრამდე.

1911 წლის დამდეგამდე დასახლებულ იქნა კავკასიაში სულ 34,548 ნაჭერი მიწა, ხოლო თვით 1911 წელს კი გადმოსახლებულ იქნა 5754 სული მამაკაცი. სულ დღემდე გადმოსახლებულია 68,000-მდე სული, ორთავე სქესისა.

საერთოდ, ჯერ-ჯერობით დასახლებულნი შეადგენენ 290 სოფელს. მათ შორის განჯის, ბაქოს და დაღესტნის გუბერნიებში — 93 სოფელია, დასავლეთს ამიერ-კავკასიაში, შავი ზღვისპირად, ყუბანის და თერგის ოლქებში — 197 სოფელი.

ამა 1913 წლის განმავლობაში რუსების გადმოსახლებლად მიწების დამზადებას შეუდგებიან შავი ზღვისპირად და მულანლოს ველში.

სტატისტიკურად გამოკვლეული უკვე არის მელის, გეანის, შირაქის (ნუხის) და შირვანის ველები.

ბოტანიკურად შესწავლილია ბათუმის ოლქი.

1912 წლის შემოდგომაზე გამოკვლევულთა

რაზმი გაემართა მდინარე ბზივის მიდამოებში, სოქის ოლქში, შავი ზღვის გუბერნიაში.

„გზების კეთებას წრეულს, როგორც წინა წლებშიაც განაგრძობენ შ ა ვ ი ზ ღ ვ ი ს პ ი რ ა დ, სულ უნდა გაიყვანონ ამ 1913 წ. 25, ვერსტი ახალი გზა და შეაკეთონ 173,75 ვერსტი წინად გაკეთებული გზისა. გამოიკვლევენ გასაკეთებლად 136,6 ვერ. გზას.

„საექიმო და სანიტარულ შემწეობის აღმოსაჩენად გადმოსახლებულთა და გადმოსასახლებელთათვის არსებობს წამლების მთავარი საწყობი თბილისში, რომელსაცა აქვს სხვადასხვა ადგილას ოთხი დიდი განყოფილება, რომელთაგან თითოეული წამლებს აწვდის ოცდა ცხრა მცირე განყოფილებას სხვადასხვა ადგილას.

მაგამძე.

სოფ. ძიმიტი (კარქსპანდენტა).

ბატონო რედაქტორო, უმორჩილესად გთხოვთ ეს ჩემი წერილი დაბეჭდოთ თქვენ პატივცემულ ჟურნალ „კლდეში“.

სოფელი ძიმიტი ოზურგეთის მაზრაშია. ამ სოფელში რამდენი წელიწადია არსებობს ერთ კლასიანი, იგივე ორ კომპლექტოვანი სასწავლებელი 2011-მდე მოსწავლეთი. სკოლის მზრუნველის ბ. ს. პატიეშვილის და მეზობლების თაოსნობით აღიძრა თხოვნა სკოლის გაფართოებაზე, მის ორკლასიანად ქცევაზე. სკოლის უფრო მა თხოვნა შეიწყნარა, გამოგზანა მასწავლებლები; ბძანა შენობა ააგეთ და დავამტკიცებთ ორ კლასიანათაო.

რამდენიმე საზოგადოება კიდევ შეიკრიბა, ძმურად მოჰკიდეს ხელი საქმეს და შეუდგნენ შენობის აგებას, დაადგინეს „პრივატორი“, აირჩიეს ვექილები და მიანდეს სკოლის აშენება, მაგრამ საუბედუროდ ამ აღნიშნულ სკოლას გაუჩნდნენ მტრები შინაური და გარეული და არა თუ აშენება და გაკეთება, ძველი სკოლის დანგრევაც მოინდომეს. შეიქნა ერთი ალიაქოთი. ადგილობრივი მამასახლისი ვერას გახდა და მოწვეული იქმნა ბოქაული. ბოქაულმა ხალხის დასამშვიდებლად ყოველივე ზომა მიიღო. დაინიშნა კომისია მკოდნე პირებისაგან სკოლის ადგილის შესამოწმებლად. სხვადასხვა სოფლიდან კომისიამ სკოლისათვის ძველი ადგილი აარჩია და შეუდგნენ სკოლის აშენებას. საძირკველი რომ ამოიყვანეს ერთ ადღზე, სკოლის

ხელის შემშლელებმა მიმართეს დასმენით მაზრი-უფროსს, რომ სკოლას უპლანოთ აშენებენო. მაზის რის უფროსმა კეთილ ინება და გამოგზანა თავის თანაშემწე წესიერების აღსადგენად. მუშაობა განახლდა. კვედა სართული ამოიყვანეს, ძველი სკოლა დაშალეს და შეუდგნენ ზედა სართულს.

კიდევ ასტყდნენ სკოლის მტრები, რომ სკოლას უპლანოთ აშენებენო. შეიქმნა დასმენა ახლა სკოლის მზრუნველთან მოიჯარადრე და ოსტატებისა. მობრძანდა სკოლის უფროსი და ინჟინერიც. სკოლის უფროსმა და ინჟინერმა შენობა მოიწონეს და მუშაობის ნებაც მისცეს. ეს ამბავი აგერ მწელიწადია რაც გრძელდება. ხელის შემშლელნი რომ არა ყოფილიყვნენ, ერთ წელიწადში იქნებოდა მზად შენობა. ეხლა თითქმის სახურავში არის მოყვანილი და მასწავლებლები და მოსწავლეები აქე-იქით ნაქირავებ სახლებში ეფარებიან, რაც იწვევს ზედმეტ ხარჯს. საჭიროა შენობის დაჩქარება. კარგი არის რაიმე დახმარებას აღმოუჩინდნენ საზოგადოება და ინტელეგენცია საჭიროა აგრეთვე ალაგმვა ხელის შემშლელთა და მადლობის ღირსი ბ. ს. პატიეშვილი, მოიჯარადრენი და ოსტატები, რომელნიც შენობას აჩქარებენ და ძლიერ ერდგულად მუშაობენ. ვინც ზედ მეტი ხარჯი მისცა სოფელს, ის სოფელელმა უკეთ იცის.

პ. გოგელია.

შეცდომების განწორება

წერილში: „იოანე მტბევარი“ წარსულ მე-6-ე №-ში შეგვეპარა რამდენიმე თვალსაჩინო შეცდომა: მინჩის მაგიერ, უნდა იკითხებოდეს **მინჩხი**. გვ 7 სტ. 2 (918)-ის მაგიერ უნდა იყვეს (+ 918); იქვე სტ. 4 არის „მტბევარის სახელზე“. უნდა იყვეს **მტბევარის დროს** გვ. 8 სტ. 11 ქვევიდან არის 998—988. უნდა იყვეს **978—988**.

რედაქტორ-გამომცემელი

რ. გაბაშვილი.